

5. Unum deesse video,
Quod utrum possis dubito:
Quia saltando canere
Ille solebat strenue.
6. Nam ita sese tertio
Saltu rotabat concito,
Ut turbine wandalico
Tornum misceret jubilo.'
7. Mox haec gallus aggreditur,
Saltans canensque volvitur,
Et avidus gloriolae
Verbis cedit vulpeculae.
8. 'Cur ergo' inquit 'degener
A patre meo aestimer,
Cum genitoris formulam
Gestu voceque referam?"
9. At vulpes e contrario:
'Benedicamus domino,
Quia pater in filio
Vivus est quodam modo.
10. Jam non erat credibile,
Ut esset nostro tempore,
Qui factis mirabilibus
Sic fieret conspicuus.
11. Sed ille doctus dexterum
Saepe claudebat oculum,
Cum concitato corpore
Saltaret in vertigine.'
12. 'Similiter et facio.'
Gallus infit continuo:
Tunc flectitur in circinum
Et dextrum premit oculum.
13. Ast vulpes astu subdolo
Supina cadit subito,